

# **Universitätsbibliothek Paderborn**

## **Cursus Theologico-Moralis**

Ad usum Tyronum elucubratus, Et in Quotidianis Prælectionibus  
Quoad ea, quæ Moralis Theologia disputat De Sacramentis, & Censuris

**Viva, Domenico**

**Patavii, 1723**

Art. I. De effectibus immediatis, ac remotis Excommunicationis.

**urn:nbn:de:hbz:466:1-40650**

## Q U A E S T I O IV.

### De Effectibus Excommunicationis Majoris.

**U**NICUS est effectus majoris excommunicationis, videlicet totalis privatio Ecclesiasticae communicationis, juxta explicationem art. I. traditam. Verum quia pluribus diversis bonis tam Spiritualibus, quam temporalibus privatur fidelis per excommunicationem, ideo per respectum ad illa plures effectus distingui solent majoris excommunicationis tam immediati, & proximi, quam mediati, seu remoti, qui omnes varie a Variis enumerantur. Examinabimus primo, Quinam dicantur effectus Excommunicationis proximi, quinam remoti? Deinde de singulis effectibus immediatis scotsum agemus.

#### ARTICULUS I.

##### De Effectibus immediatis, ac remotis Excommunicationis.

- I. *Effectus Excommunicationis immediari, & proximi undecim solent enumerari.*
- II. *Quatuor ex his ad communicationem spiritualem spectant primario; tres autem secundario, ut pose spe-stantes ad Beneficia, & rescripta Apostolica.*
- III. *Reliqui quatuor spectant ad politi- cam, & temporalem participatio nem.*
- IV. *Effectus vero remoti, & mediati sunt sex alii, qui recensentur.*

**I. Q**uartitur primo; Quinam sint effectus excommunicationis immediati, & proximi?

Respondeo, posse ad hos undecim reduci. Primus est privare excommunicatum communibus Ecclesia suffragiis. Secundus privare participatio ne Sacramentorum tam activa, quam passiva. Tertius privare divinis officiis, Ecclesiastica sepultura, & aliis rebus sacris. Quartus, quod Ecclesia-

sticas personas suspendat tam ab officio, quam a beneficio, ita ut impedit juxta aliquos Doctores non solum acquisitionem dominii proveni tium Ecclesiasticorum, sed etiam eorum administrationem. Quintus, quod reddat personam non solum incapaciem, & ineligibilem ad Beneficia Ecclesiastica, sed etiam inhabilem ad alios eligendos ad hujusmodi beneficia. Sextus, quod privet excommunicatum quolibet usu jurisdictio nis tam in foro Sacramentali, quam in foro externo non solum Ecclesiastico, sed etiam (ut probabilis Doctores docent) seculari; unde si Princeps excommunicetur, absolu ti maneat subditi a fidelitate illi praestanda, etiamsi juramento firmata sit. Septimus, quod excludatur excommunicatus ab omnibus actibus forensibus, excepta solum sui defensione, ita ut in judicio non possit esse Actor, neque Testis, neque Advoca tus, neque Procurator, neque Tabellio, &c. Octavus, quod etiam prohibetur, ne ad dignitates temporales, aut ad officia, & ministeria publica assumatur, videlicet Judicis, Praetoris, Tutoris, Procuratoris, Curatori, &c., quamvis non sit irrita talis

ele-

electio, seu assumptio, si jurisdictionem non includat. Nonus, quod illi pariter prohibetur omnis humanus, & civilis contractus, necnon usus cuiuslibet officii, seu ministerii publici, quod humanam communicationem requirat; quamvis nec sint invalida, quae ab eo in hoc genere aguntur, nisi etiam jurisdictionem requirant. Decimus, quod privetur omni communicatione politica, & humana cum aliis fidelibus, ita ut non possit ab iis salutari, cum iis colloqui, &c. Ultimus, quod literæ Apostolice, seu Papæ reascripta in sui favorem impremita ab excommunicato (etiam tolerato juxta communem contra Navar.) sint irrita, præterquam super excommunicationis, aut appellationis articulo.

II. Ex his aliqui effectus primario spectant ad spiritualem communicationem; aliqui secundario; & alii spectant ad communicationem temporalem, & politicam. Spectant primario ad spiritualem communicationem: Primo, privatio communium Ecclesiæ suffragorum. Secundo, privatio participationis activæ, & passivæ Sacramentorum. Tertio, prohibitio, ne Ecclesiam ingrediatur excommunicatus, quando divina officia celebrantur, & ne donetur Ecclesiastica sepultura. Quarto, prohibitio, ne cum fidelibus in divinis communicet.

Spectant vero secundario ad communicationem spiritualem: Primo, suspensio ab officio, & beneficio. Secundo, quod excommunicatus sit incapax, & ineligibilis ad beneficia Ecclesiastica, nec possit alios ad ea eligere. Tertio, quod sit incapax ad obtinenda rescripta a Sede Apostolica. Huc etiam spectant duo illi effectus excommunicationis remoti, videlicet, & quod Clericus excommunicatus, si exerceat officium alicujus Ordinis Sacri, fiat irregularis; & quod excom-

municatus quicumque, si per annum in excommunicatione persistat, sit suspectus de hæresi, & aliis pœnis puniri debeat.

III. Demum ad temporalem, & politicam participationem spectant: Primo, quod excommunicatus privetur usu cuiuscumque jurisdictionis. Secundo, quod excludatur ab omnibus actibus forensibus, præterquam ob propriam defensionem. Tertio, quod repellatur ab omnibus dignitatibus, & officiis temporalibus. Quarto, quod privetur omni humana, & politica communicatione cum fidelibus.

IV. Quæritur secundo; Quinam sint præcipui effectus mediati excommunicationis?

Respondeo; Primus est, quod excommunicationem minorem incurrat illicite communicans cum excommunicato, & in aliquibus casibus incurrat excommunicationem majorem, ut diximus art. 3. Secundus, quod pœnam irregularitatis incurrat Clericus excommunicatus, qui solemniter, & ut minister Ecclesiæ exercet officium ordinis Sacri, quem habet, ex cap. Is qui, de sententia excommunicationis in 6. Tertius, quod poenam suspensionis incurrat, qui excommunicatus ob percussionem Clerici Ordines suscipit, ex cap. Cum illorum, de sententia excommunicationis. Quartus, quod incurrat privationem beneficij, quod forte habet, qui excommunicatus in contumacia perseverat per triennium. Quintus, quod qui in excommunicatione obdurato animo per annum perseverat, sit suspectus de hæresi, & ut talis possit puniri, ex Trident. sess. 24. cap. 3.; Videtur enim contempnere Ecclesiæ claves, suffragia, & Sacra menta; unde fit de hæresi suspectus, suspicione tamen levi; ut proinde purgare se teneatur, & nisi id faciat, habeatur pro convicto: Si tamen perseveret per annum, non obdurato

M 2 ani-

animo, sed ex impotentia, aut ignorantia, non est suspectus de hæresi. Si dēmuni per aliquod tempus infra annum obdurato animo perseveret, puniendus est aliqua temporali pœna, ut docet Covarr. cum aliis. Ultimus effectus remotus est infamia, ex cap. *Infamis*, quæst. I.; ubi Stephanus Papa inter personas, quæ secundum Canones habentur infames, enumerat excommunicatos. Sed de effectibus immediatis sigillatim agendum.

## ARTICULUS II.

De Primo Excommunicationis effectu, qui est privare hominem suffragiis communibus.

I. Non privatur excommunicatus suffragiis, seu subsidiis spiritualibus, quæ habentur a Christo Domino pro missa Sacrificium, aut quæ ab aliquo fidei habenter, in quantum est persona particularis, sed solum iis, quæ habentur ab Ecclesia, dum publice orat, Sacrificium offerit, & Indulgentias elargitur.

II. Minister Ecclesiae, in quantum est persona publica, illicite simul, & invalide offerit pro excommunicato Sacrificium, ac orationes, aut Indulgentias dispensat; valide tamen, & licite in quantum est persona privata pro eodem orat, ac offerit actionem ipsam sacrificandi, prout pendet a merito privato operantis.

III. Fructus Sacrificii ex opere operatio valide, sed illicite pro eo offeritur a Sacerdote in quantum Christi ministero. Tres quippe veluti personas Sacerdos representat.

IV. Cur Ecclesia die Parasceves pro hereticis, & pro non baptizatis oret?

V. Probabilius etiam in divinis tri-

tum est cum excommunicato tolerato communicare.

VI. At probabilius nullatenus licitum est publicas preces pro excommunicatis contritis offerre.

I. Quid Ueritur primo; Quid sit, excommunicatum privari communibus Ecclesiae suffragiis?

Respondeo, suffragia nihil aliud esse, quam spiritualia quædam subsidia, quibus fideles tam vivi, quam defuncti juvantur, sive quoad satisfactionem pro pena temporali, sive quoad meritum de congruo, seu impenitentiam aliquorum bonorum vel spiritualium, vel quæ ad spiritualia conferunt. Triplex autem in Ecclesia datur suffragium, seu spirituale subsidium. Primum est a Christo Domino pro nobis offerente Sacrificium missæ ministerio Sacerdotis. Secundum est ab Ecclesia, quæ per suos ministros publice orat, Sacrificium offerit, & de thesauro Ecclesiae satisfactiones dispensat, ut diximus cum de Indulgentiis. Tertium est a quolibet fidei, in quantum persona particularis est; saepè enim unus pro altero orat, squalque satisfactiones pro illo offerit.

Certum est nunc, subsidio spirituali primi, & tertii generis non privari excommunicatum, cum ea non sint Ecclesiae suffragia; Etenim independenter a qualibet dispositione Ecclesiae & Christus Dominus offerit pro nobis suum Sacrificium ministerio Sacerdotis, & quilibet offerre potest pro altero suas orationes, & satisfactiones Deo; Unde subsidium primi generis, licet sit suffragium commune, non est tamen commune suffragium Ecclesiae; subsidium vero tertii generis est suffragium privatum; Quare solum subsidium secundi generis dicitur suffragium Ecclesiae commune, & hoc tantum privatur excommunicatus;